



Inatsisartunut ilaasortaq Justus Hansen, Demokraatit  
MAANI

## **Taiwanimi tikeraarnissap taamaatinneqarnera pillugu § 37 naapertorlugu apeqqueteqaammut nr. 2017-023-imut akissuteqaat**

23. januar 2017  
Sagsnr. 2017 - 1708

Inatsisartut suleriaasianni § 37 naapertorlugu apeqquiti ataani allassimasut Naalakkersuisunut saqqummiuppatit, taakkualu matumani akissuteqarfigineqarput.

Postboks 930  
3900 Nuuk  
Tlf. (+299) 34 68 00  
Fax (+299) 32 43 02  
E-mail: isiin@nanoq.gl  
www.naalakkersuisut.gl

### **1. Sunamita pissutaava Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisup Taiwanimut angalanissaq pilersaarutaareersoq taamaatiinnarmagu, tassani peqataasussaagaluarpog inuussutissarsiutinik siuarsaaniarnermut Greenland Day?**

Eqqorpoq Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalakkersuisoq november 2016-imi Kinami annertunerusumik niuernikkut pilersaarineramik ingerlatsimmat. Tikeraarneq Kalaallit Nunaata Kinami ukiorpassuarni ingerlattarsimasaanut ukiumoortumik tuniniaanissamik nittarsaassinermit ilaavoq.

Naalakkersuisoq, Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik, kiisalu suliffeqarfiit assigiinngitsut seafoodinut, takornariartitsisarnermut, amminik aamma mutinik tunisassianut il.il., tunngatillugu illoqarfinni arlalinni pilersaarinerne annertunerusuni peqataapput, aammalu tassunga atatillugu sullissiviit, aningaaseriviit kiisalu aatsitassarsiornermik suliaqartut ataatsimeeqatigineqarput. Kinami ataatsimiinnernut tunngatillugu sammisat ilai ministerimit atorfillit ilaannik aamma suliffeqarfinnik ilagineqarluni, isumagineqarput, atorfillit allat aamma suliffeqarfiit allat peqatigisaanik sammisassat allat sammillugit. Taamatutaaq piffissami tassani takornariartitsisarneq aamma inuussutissat il.il. pillugit Taiwanimi inuussutissarsiornermi ataatsimiinneq ataaseq ingerlanneqarpoq. Pilersaarineq taanna taamatutaaq suliffeqarfinnit atorfillitanillu arlalinnit ingerlanneqarpoq. Taamaalilluni tikeraarnermut tamarmiusumut sammisat sorliit ministerip peqataaffigissanera, aammalu sammisat sorliit atorfillitanit suliffeqarfinnillu isumagineqassanersut, pingaarnersiuisoqarpoq.

### **2. Iluamik paasinerpara oqartoqarmat kiniserit nunanut allanut ministereqarfiata Danmark Kalaallit Nunaallu tatigisimagai angalanissaq unitsinniarlugu aamma Naalakkersuisut tamatumunnga qanoq isumaqarpat?**

Kalaallit Nunaata ukiuni siusinnerusunituulli, tikeraarnerup suliassatigut aqqissuunneqarnissaa pillugu Beijingimi danskit sinniisoqarfiat suleqatigaat,

taamaattumillu Kinami danskit sinniisoqarfiannut tikeraarnerup pilersaarusioneqarnera ingerlaavartumik oqaloqatigiissutigisarlugu.

Taamatutaaq tikeraarnissaq pillugu Kinami oqartussaasut ingerlaavartumik attaveqarfigineqarput. Kinami oqartussaasut taamaalillutik suleriaatsinut nalinginnaasunut naapertuuttumik, niuernikkut pilerisaarinissaq pilersaarutigineqartoq, Kinami sullissivinnik ataatsimeeqateqarnissamik isumaqatigiissuteqarfiusoq il.il. pillugit paasissutissinneqarput.

Angalanermi ornigassat aamma ministerip najuunnissaa pillugit aalajangiinerit, Kalaallit Nunaanni oqartussaasut attuumassuteqartut kisimik aalajangiuppaat.

Taiwanip pisortatigoortumik attaveqarfigineqannginnera eqqarsaatigalugu, ministerip peqataanissaa niuernikkut pilerisaarinerup ilaani tassani salliutinneqanngilaq. Oqaatigineqartut Kalaallit Nunaata tikeraarnissap suliassatigut aqqissuunneqarnissaa pillugu Beijingimi danskit sinniisoqarfiat qanittuaqqamik suleqatigaa, aammalu Beijingimi danskit sinniisoqarfiat Kunngaqarfiup Kina-ataaseq-pillugu-politikkiaata piviusunngortinneqarnera pillugu Naalackersuisoqarfimmut siunnersuisimavoq. Taiwanimiut naalackersuisunit aallartitat pisortatigoortumik ataatsimeeqatiginissaat pillugu pilersaaruteqartoqarsimanngisaannarpoq.

**3. Angalanissaq taamaatiinnarnissaanut aalajangerneq sumi piva Kalaallit Nunaanni imaluunniit Danmarkimi? Tassunga atatillugu Naalackersuisut qinnuigineqarput nassuiaqqulugu Kinamit Danmarkimiillu pisortatigoortumik saaffiginnissummik tigusaqartoqarsimanersoq pilersaarutaareersoq tikeraarnissaq pillugu ilanngullugu nassuiaqquneqarpoq saaffiginnissutit angalanerup unitsiinnarneranut aalajangeeqataasimanersut?**

Takuuk apeqqut 2-mut akissuteqaat.

**4. Inuussutissarsiornermut, Suliffeqarnermut, Niuernermut, Nukissiuuteqarnermut Nunanullu allanut Naalackersuisup Greenland Dayimi Taiwanimi ingerlanneqartussami peqataanissaa kiap aallaqqaammut akisussaaffigaa aamma kiap akisussaaffigaa peqataanissaata unitsiinnarneqarnera?**

Inuussutissarsiornermut, Suliffeqarnermut, Niuernermut Nukissiuuteqarnermullu Naalackersuisoqarfiup taaneqareersutut niuernikkut pilerisaarinissaq tamarmiusoq pillugu Beijingimi danskit sinniisoqarfiat suliassatigut suleqatigaa. Angalanermi ornigassat aamma ministerip najuunnissaa pillugit aalajangiinerit kalaallit oqartussaasuisa attuumassuteqartut kisimik aalajangiiffigaat.

Inussiarnersumik inuulluaqqusillunga

  
Vittus Qujaukiitsoq